

gustav / January 01, 2015 09:07PM

[入不思議解脫境界普賢行願品 ... 《大方廣佛華嚴經卷第四十》](#)

T10n0293_p0844b14(00)	
T10n0293_p0844b15(00)	
T10n0293_p0844b16(00)	大方廣佛華嚴經卷第四十
T10n0293_p0844b17(00)	
T10n0293_p0844b18(00)	罽賓國三藏般若奉 詔譯
T10n0293_p0844b19(00)	入不思議解脫境界普賢行願品
T10n0293_p0844b20(00)	爾時，普賢菩薩摩訶薩稱歎如來勝功德已，
T10n0293_p0844b21(00)	告諸菩薩及善財言：「善男子！如來功德，
T10n0293_p0844b22(01)	假使十方一切諸佛，
T10n0293_p0844b23(10)	經不可說不可說佛剎極微塵數劫，相續演說，不可窮盡。
T10n0293_p0844b24(05)	若欲成就此功德門，應修十種廣大行願。
T10n0293_p0844b25(06)	何等為十？一者、禮敬諸佛，二者、稱讚如來，三者、廣修供養，
T10n0293_p0844b26(00)	四者、懺悔業障，五者、隨喜功德，六者、
T10n0293_p0844b27(03)	請轉法輪，七者、請佛住世，八者、常隨佛學，九者、
T10n0293_p0844b28(02)	恒順眾生，十者、普皆迴向。」
T10n0293_p0844b29(00)	善財白言：「大聖！云何禮敬，乃至迴向？」
T10n0293_p0844c01(03)	普賢菩薩告善財言：「善男子！言禮敬諸佛者：
T10n0293_p0844c02(03)	所有盡法界、
T10n0293_p0844c03(15)	虛空界十方三世一切佛剎極微塵數諸佛世尊，我以普賢行願力故，起深信解，
T10n0293_p0844c04(00)	如對目前，悉以清淨身、語、意業，常修禮敬；
T10n0293_p0844c05(01)	一一佛所，
T10n0293_p0844c06(14)	皆現不可說不可說佛剎極微塵數身，
T10n0293_p0844c07(16)	一一身遍禮不可說不可說佛剎極微塵數佛；虛空界盡，我禮乃盡，
T10n0293_p0844c08(06)	而虛空界不可盡故，我此禮敬，無有窮盡。
T10n0293_p0844c09(07)	如是乃至眾生界盡、眾生業盡、眾生煩惱盡，我禮乃盡。
T10n0293_p0844c10(02)	而眾生界乃至煩惱無有盡故，
T10n0293_p0844c11(07)	我此禮敬無有窮盡，念念相續，無有間斷，身、語、意業無有疲厭。
T10n0293_p0844c12(00)	「復次，善男子！言稱讚如來者：所有盡法界、
T10n0293_p0844c13(01)	虛空界十方三世一切刹土所有極微一一塵中，皆有一切世界極微塵數佛，
T10n0293_p0844c14(18)	一一佛所皆有菩薩海會圍遶，我當悉以甚深勝解，
T10n0293_p0844c15(04)	現前知見；各以出過辯才天女微妙舌根，
T10n0293_p0844c16(01)	一一舌根出無盡音聲海，
T10n0293_p0844c17(02)	一一音聲出一切言辭海，稱揚讚歎一切如來諸功德海，
T10n0293_p0844c18(08)	窮未來際相續不斷，盡於法界無不周遍。
T10n0293_p0844c19(03)	如是虛空界盡、眾生界盡、眾生業盡、眾生煩惱盡，
T10n0293_p0844c20(04)	我讚乃盡。而虛空界乃至煩惱無有盡故，
T10n0293_p0844c21(02)	我此讚歎無有窮盡，念念相續，無有間斷，身、語、
T10n0293_p0844c22(02)	意業無有疲厭。
T10n0293_p0844c23(01)	「復次，善男子！言廣修供養者：所有盡法界、
T10n0293_p0844c24(00)	虛空界十方三世一切佛剎極微塵中，
T10n0293_p0844c25(01)	一一各有一切世界極微塵數佛，
T10n0293_p0844c26(03)	一一佛所種種菩薩海會圍遶，我以普賢行願力故，起深信解，
T10n0293_p0844c27(07)	現前知見，悉以上妙諸供養具而為供養。
T10n0293_p0844c28(00)	所謂：華雲、鬘雲、天音樂雲、天傘蓋雲、
T10n0293_p0844c29(01)	天衣服雲、天種種香、塗香、燒香、末香，如是等雲，
T10n0293_p0845a01(03)	一一量如須彌山王；然種種燈，酥燈、油燈、
T10n0293_p0845a02(02)	諸香油燈，一一燈炷如須彌山，
T10n0293_p0845a03(03)	一一燈油如大海水，以如是等諸供養具常為供養。善男子！
T10n0293_p0845a04(07)	諸供養中，法供養最。所謂：如說修行供養、
T10n0293_p0845a05(01)	利益眾生供養、攝受眾生供養、代眾生苦供養、
T10n0293_p0845a06(02)	勤修善根供養、不捨菩薩業供養、
T10n0293_p0845a07(01)	不離菩提心供養。善男子！如前供養無量功德，
T10n0293_p0845a08(05)	

T10n0293\_p0845a09(04) 比法供養一念功德百分不及一，千分不及一，  
 T10n0293\_p0845a10(03) 百千俱胝那由他分、迦羅分、算分、數分、諭分、  
 T10n0293\_p0845a11(01) 優婆尼沙陀分亦不及一。  
 T10n0293\_p0845a12(08) 何以故？以諸如來尊重法故，以如說修行出生諸佛故。  
 T10n0293\_p0845a13(03) 若諸菩薩行法供養，則得成就供養如來，  
 T10n0293\_p0845a14(04) 如是修行是真供養故。此廣大最勝供養虛空界盡、  
 T10n0293\_p0845a15(00) 眾生界盡、眾生業盡、眾生煩惱盡，我供乃盡。  
 T10n0293\_p0845a16(00) 而虛空界乃至煩惱不可盡故，  
 T10n0293\_p0845a17(05) 我此供養亦無有盡，念念相續，無有間斷，身、語、  
 T10n0293\_p0845a18(04) 意業無有疲厭。  
 T10n0293\_p0845a19(00) 「復次，善男子！言懺除業障者：  
 T10n0293\_p0845a20(06) 菩薩自念我於過去無始劫中，由貪、瞋、癡發身、口、意，  
 T10n0293\_p0845a21(03) 作諸惡業無量無邊。若此惡業有體相者，  
 T10n0293\_p0845a22(03) 盡虛空界不能容受。我今悉以清淨三業，  
 T10n0293\_p0845a23(04) 遍於法界極微塵剎一切諸佛菩薩眾前，誠心懺悔，  
 T10n0293\_p0845a24(01) 後不復造，恒住淨戒一切功德。如是虛空界盡、  
 T10n0293\_p0845a25(00) 眾生界盡、眾生業盡、眾生煩惱盡，我懺乃盡。  
 T10n0293\_p0845a26(00) 而虛空界乃至眾生煩惱不可盡故，  
 T10n0293\_p0845a27(03) 我此懺悔無有窮盡，念念相續，無有間斷，身、語、  
 T10n0293\_p0845a28(02) 意業無有疲厭。  
 T10n0293\_p0845a29(00) 「復次，善男子！言隨喜功德者：所有盡法界、  
 T10n0293\_p0845b01(01) 虛空界十方三世一切佛剎極微塵數諸佛如來，從初發心為一切智，勤修福聚，  
 T10n0293\_p0845b02(18) 不惜身命，經不可說不可說佛剎極微塵數劫，  
 T10n0293\_p0845b03(03) 一一劫中捨不可說不可說佛剎極微塵數頭、目、  
 T10n0293\_p0845b04(02) 手、足，如是一切難行、苦行，  
 T10n0293\_p0845b05(00) 圓滿種種波羅蜜門，證入種種菩薩智地，  
 T10n0293\_p0845b06(07) 成就諸佛無上菩提及般涅槃，分布舍利，所有善根，我皆隨喜。  
 T10n0293\_p0845b07(08) 及彼十方一切世界，六趣、  
 T10n0293\_p0845b08(01) 四生一切種類所有功德，乃至一塵我皆隨喜。  
 T10n0293\_p0845b10(06) 十方三世一切聲聞及辟支佛、有學、無學所有功德，  
 T10n0293\_p0845b11(03) 我皆隨喜。一切菩薩所修無量難行、苦行，  
 T10n0293\_p0845b12(04) 志求無上正等菩提廣大功德，我皆隨喜。  
 T10n0293\_p0845b13(05) 如是虛空界盡、眾生界盡、眾生業盡、眾生煩惱盡，  
 T10n0293\_p0845b14(03) 我此隨喜無有窮盡，念念相續，無有間斷，身、語、  
 T10n0293\_p0845b15(02) 意業無有疲厭。  
 T10n0293\_p0845b16(00) 「復次，善男子！言請轉法輪者：所有盡法界、  
 T10n0293\_p0845b17(01) 虛空界十方三世一切佛剎極微塵中，  
 T10n0293\_p0845b18(03) 一一各有不可說不可說佛剎極微塵數廣大佛剎，  
 T10n0293\_p0845b19(00) 一一剎中念念有不可說不可說佛剎極微塵數一切諸佛成等正覺，  
 T10n0293\_p0845b20(17) 一切菩薩海會圍遶，而我悉以身、口、意業種種方便，  
 T10n0293\_p0845b21(07) 懇懃勸請轉妙法輪。如是虛空界盡、眾生界盡、  
 T10n0293\_p0845b22(04) 眾生業盡、眾生煩惱盡，  
 T10n0293\_p0845b23(03) 我常勸請一切諸佛轉正法輪無有窮盡，念念相續，無有間斷，身、語、  
 T10n0293\_p0845b24(10) 意業無有疲厭。  
 T10n0293\_p0845b25(01) 「復次，善男子！言請佛住世者：所有盡法界、  
 T10n0293\_p0845b26(00) 虛空界十方三世一切佛剎極微塵數諸佛如來將欲示現般涅槃者，及諸菩薩、聲聞、  
 T10n0293\_p0845b27(01) 緣覺、有學、無學，乃至一切諸善知識，  
 T10n0293\_p0845c01(04) 我悉勸請莫入涅槃，經於一切佛剎極微塵數劫，  
 T10n0293\_p0845c02(02) 為欲利樂一切眾生。如是虛空界盡、眾生界盡、  
 T10n0293\_p0845c03(01) 眾生業盡、眾生煩惱盡，我此勸請無有窮盡，  
 T10n0293\_p0845c04(01) 念念相續，無有間斷，身、語、意業無有疲厭。  
 T10n0293\_p0845c05(00) 「復次，善男子！言常隨佛學者：

T10n0293\_p0845c06(06) || 如此娑婆世界毘盧遮那如來，從初發心精進不退，  
 T10n0293\_p0845c07(03) || 以不可說不可說身命而為布施；剝皮為紙，  
 T10n0293\_p0845c08(03) || 折骨為筆，刺血為墨，書寫經典，積如須彌，  
 T10n0293\_p0845c09(03) || 為重法故，不惜身命，何況王位、城邑、聚落、宮殿、  
 T10n0293\_p0845c10(01) || 園林一切所有，及餘種種難行、苦行，  
 T10n0293\_p0845c11(04) || 乃至樹下成大菩提，示種種神通，起種種變化，  
 T10n0293\_p0845c12(03) || 現種種佛身，處種種眾會：  
 T10n0293\_p0845c13(10) || 或處一切諸大菩薩眾會道場，或處聲聞及辟支佛眾會道場，  
 T10n0293\_p0845c14(03) || 或處轉輪聖王、小王眷屬眾會道場，  
 T10n0293\_p0845c15(07) || 或處刹利及婆羅門、長者、居士眾會道場，乃至或處天龍八部、  
 T10n0293\_p0845c16(00) || 人、非人等眾會道場。處於如是種種眾會，  
 T10n0293\_p0845c17(01) || 以圓滿音，如大雷震，隨其樂欲，成熟眾生，  
 T10n0293\_p0845c18(02) || 乃至示現入於涅槃。如是一切，我皆隨學，  
 T10n0293\_p0845c19(03) || 如今世尊毘盧遮那，如是盡法界，  
 T10n0293\_p0845c20(07) || 虛空界十方三世一切佛剎，所有塵中一切如來皆亦如是，  
 T10n0293\_p0845c21(01) || 於念念中，我皆隨學。如是虛空界盡、眾生界盡、  
 T10n0293\_p0845c22(00) || 嶄生業盡、眾生煩惱盡，我此隨學無有窮盡，  
 T10n0293\_p0845c23(00) || 念念相續，無有間斷，身、語、意業無有疲厭。  
 T10n0293\_p0845c24(00) || 「復次，善男子！言恒順眾生者：謂盡法界、  
 T10n0293\_p0845c25(02) || 虛空界十方刹海，所有眾生種種差別，所謂：卵生、  
 T10n0293\_p0845c26(00) || 胎生、濕生、化生，或有依於地、水、火、  
 T10n0293\_p0845c27(04) || 風而生住者，或有依空及諸卉木而生住者，種種生類、  
 T10n0293\_p0845c28(00) || 種種色身、種種形狀、種種相貌、種種壽量、  
 T10n0293\_p0845c29(01) || 種種族類、種種名號、種種心性、種種知見、  
 T10n0293\_p0846a01(02) || 種種欲樂、種種意行、種種威儀、種種衣服、  
 T10n0293\_p0846a02(03) || 種種飲食，處於種種村營、聚落、城邑、宮殿，  
 T10n0293\_p0846a03(04) || 乃至一切天龍八部、人、非人等，無足、二足、四足、多足，  
 T10n0293\_p0846a04(01) || 有色、無色，有想、無想、非有想、非無想，  
 T10n0293\_p0846a05(03) || 如是等類，我皆於彼隨順而轉，種種承事，  
 T10n0293\_p0846a06(03) || 種種供養，如敬父母，如奉師長，  
 T10n0293\_p0846a07(07) || 及阿羅漢乃至如來，等無有異。於諸病苦為作良醫，  
 T10n0293\_p0846a08(03) || 於失道者示其正路，於闇夜中為作光明，  
 T10n0293\_p0846a09(03) || 於貧窮者令得伏藏，菩薩如是平等饒益一切眾生。  
 T10n0293\_p0846a10(00) || 何以故？菩薩若能隨順眾生，  
 T10n0293\_p0846a11(06) || 則為隨順供養諸佛；若於眾生尊重承事，  
 T10n0293\_p0846a12(07) || 則為尊重承事如來；若令眾生生歡喜者，則令一切如來歡喜。  
 T10n0293\_p0846a13(00) || 何以故？諸佛如來以大悲心而為體故。  
 T10n0293\_p0846a14(02) || 因於眾生而起大悲，因於大悲生菩提心，  
 T10n0293\_p0846a15(02) || 因菩提心成等正覺。  
 T10n0293\_p0846a16(11) || 譬如曠野沙磧之中有大樹王，若根得水，枝葉、華果悉皆繁茂。  
 T10n0293\_p0846a17(03) || 生死曠野菩提樹王，亦復如是。一切眾生而為樹根，  
 T10n0293\_p0846a18(00) || 諸佛菩薩而為華果，以大悲水饒益眾生，  
 T10n0293\_p0846a19(01) || 則能成就諸佛菩薩智慧華果。  
 T10n0293\_p0846a20(07) || 何以故？若諸菩薩以大悲水饒益眾生，  
 T10n0293\_p0846a21(08) || 則能成就阿耨多羅三藐三菩提故。是故菩提屬於眾生，  
 T10n0293\_p0846a22(03) || 若無眾生，一切菩薩終不能成無上正覺。善男子！  
 T10n0293\_p0846a23(01) || 汝於此義應如是解。以於眾生心平等故，  
 T10n0293\_p0846a24(02) || 則能成就圓滿大悲，以大悲心隨眾生故，  
 T10n0293\_p0846a25(03) || 則能成就供養如來。菩薩如是隨順眾生，虛空界盡、  
 T10n0293\_p0846a26(00) || 嶽生界盡、眾生業盡、眾生煩惱盡，  
 T10n0293\_p0846a27(04) || 我此隨順無有窮盡，念念相續，無有間斷，身、語、  
 T10n0293\_p0846a28(03) || 意業無有疲厭。  
 T10n0293\_p0846a29(00) || 「復次，善男子！言普皆迴向者：  
 T10n0293\_p0846b01(06) || 從初禮拜乃至隨順，所有功德皆悉迴向盡法界，  
 T10n0293\_p0846b02(03) || 虛空界一切眾生，願令眾生常得安樂，無諸病苦；

T10n0293\_p0846b03(01) 欲行惡法皆悉不成，所修善業皆速成就；  
T10n0293\_p0846b04(02) 關閉一切諸惡趣門，開示人天涅槃正路；  
T10n0293\_p0846b05(03) 若諸眾生因其積集諸惡業故，  
T10n0293\_p0846b06(08) 所感一切極重苦果我皆代受；  
T10n0293\_p0846b07(13) 令彼眾生悉得解脫究竟成就無上菩提。菩薩如是所修迴向，虛空界盡、  
T10n0293\_p0846b08(02) 眾生界盡、眾生業盡、眾生煩惱盡，  
T10n0293\_p0846b09(06) 我此迴向無有窮盡，念念相續，無有間斷，身、語、  
T10n0293\_p0846b10(05) 意業無有疲厭。善男子！  
T10n0293\_p0846b11(13) 是為菩薩摩訶薩十種大願具足圓滿。若諸菩薩於此大願隨順趣入，  
T10n0293\_p0846b12(03) 則能成熟一切眾生，  
T10n0293\_p0846b13(12) 則能隨順阿耨多羅三藐三菩提，則能成滿普賢菩薩諸行願海。是故，  
T10n0293\_p0846b14(02) 善男子！汝於此義應如是知：若有善男子、  
T10n0293\_p0846b15(03) 善女人以滿十方無量無邊、  
T10n0293\_p0846b16(10) 不可說不可說佛剎極微塵數一切世界上妙七寶，  
T10n0293\_p0846b17(07) 及諸人天最勝安樂，布施爾所一切世界所有眾生，  
T10n0293\_p0846b18(04) 供養爾所一切世界諸佛菩薩，  
T10n0293\_p0846b19(09) 經爾所佛剎極微塵數劫相續不斷所得功德，  
T10n0293\_p0846b20(07) 若復有人聞此願王一經於耳，  
T10n0293\_p0846b21(11) 所有功德比前功德百分不及一，千分不及一，  
T10n0293\_p0846b22(09) 乃至優波尼沙陀分亦不及一。或復有人以深信心，  
T10n0293\_p0846b23(06) 於此大願受持讀誦，乃至書寫一四句偈，  
T10n0293\_p0846b24(07) 速能除滅五無間業，所有世間身心等病，種種苦惱，  
T10n0293\_p0846b25(04) 乃至佛剎極微塵數一切惡業，皆得銷除；一切魔軍、  
T10n0293\_p0846b26(00) 夜叉、羅刹、若鳩槃荼、若毘舍闍、  
T10n0293\_p0846b27(04) 若部多等飲血噉肉諸惡鬼神，皆悉遠離，  
T10n0293\_p0846b28(04) 或時發心親近守護。是故若人誦此願者，  
T10n0293\_p0846b29(05) 行於世間無有障礙，如空中月出於雲翳，  
T10n0293\_p0846c01(06) 諸佛菩薩之所稱讚，一切人天皆應禮敬，  
T10n0293\_p0846c02(07) 一切眾生悉應供養。此善男子善得人身，  
T10n0293\_p0846c03(07) 圓滿普賢所有功德，不久當如普賢菩薩，速得成就微妙色身，  
T10n0293\_p0846c04(00) 具三十二大丈夫相，若生人天，  
T10n0293\_p0846c05(05) 所在之處常居勝族，悉能破壞一切惡趣，  
T10n0293\_p0846c06(06) 悉能遠離一切惡友，悉能制伏一切外道，  
T10n0293\_p0846c07(07) 悉能解脫一切煩惱，如師子王摧伏群獸，堪受一切眾生供養。  
T10n0293\_p0846c08(00) 又復，是人臨命終時，  
T10n0293\_p0846c09(09) 最後剎那一切諸根悉皆散壞，一切親屬悉皆捨離，  
T10n0293\_p0846c10(06) 一切威勢悉皆退失，輔相、大臣、宮城內外，象馬車乘，  
T10n0293\_p0846c11(03) 珍寶伏藏，如是一切無復相隨，唯此願王不相捨離，  
T10n0293\_p0846c12(00) 於一切時引導其前。  
T10n0293\_p0846c13(09) 一剎那中即得往生極樂世界，到已即見阿彌陀佛、文殊師利菩薩、  
T10n0293\_p0846c14(00) 普賢菩薩、觀自在菩薩、彌勒菩薩等，  
T10n0293\_p0846c15(03) 此諸菩薩色相端嚴，功德具足，所共圍繞。  
T10n0293\_p0846c16(04) 其人自見生蓮華中，蒙佛授記；得授記已，  
T10n0293\_p0846c17(05) 經於無數百千萬億那由他劫，  
T10n0293\_p0846c18(10) 普於十方不可說不可說世界，以智慧力隨眾生心而為利益。  
T10n0293\_p0846c19(03) 不久當坐菩提道場，降伏魔軍，成等正覺，轉妙法輪。  
T10n0293\_p0846c20(00) 能令佛剎極微塵數世界眾生發菩提心，  
T10n0293\_p0846c21(01) 隨其根性，教化成熟，乃至盡於未來劫海，  
T10n0293\_p0846c22(02) 廣能利益一切眾生。善男子！彼諸眾生若聞、  
T10n0293\_p0846c23(02) 若信此大願王，受持讀誦，廣為人說，所有功德，  
T10n0293\_p0846c24(00) 除佛世尊餘無知者。是故汝等聞此願王，  
T10n0293\_p0846c25(01) 莫生疑念，應當諦受，受已能讀，讀已能誦，  
T10n0293\_p0846c26(02) 誦已能持，乃至書寫，廣為人說。  
T10n0293\_p0846c27(07) 是諸人等於一念中，所有行願皆得成就，所獲福聚無量無邊。  
T10n0293\_p0846c28(00) 能於煩惱大苦海中拔濟眾生，令其出離，

T10n0293\_p0846c29(01) 皆得往生阿彌陀佛極樂世界。」爾時，  
T10n0293\_p0847a01(04) 普賢菩薩摩訶薩欲重宣此義，普觀十方而說偈言：  
T10n0293\_p0847a02(00) 「所有十方世界中，三世一切人師子，  
T10n0293\_p0847a03(00) 我以清淨身語意，一切遍禮盡無餘。  
T10n0293\_p0847a04(00) 普賢行願威神力，普現一切如來前，  
T10n0293\_p0847a05(00) 一身復現剎塵身，一一遍禮剎塵佛。  
T10n0293\_p0847a06(00) 於一塵中塵數佛，各處菩薩眾會中，  
T10n0293\_p0847a07(00) 無盡法界塵亦然，深信諸佛皆充滿。  
T10n0293\_p0847a08(00) 各以一切音聲海，普出無盡妙言辭，  
T10n0293\_p0847a09(00) 盡於未來一切劫，讚佛甚深功德海。  
T10n0293\_p0847a10(00) 以諸最勝妙華鬘，妓樂塗香及傘蓋，  
T10n0293\_p0847a11(00) 如是最勝莊嚴具，我以供養諸如來。  
T10n0293\_p0847a12(00) 最勝衣服最勝香，末香燒香與燈燭，  
T10n0293\_p0847a13(00) 一一皆如妙高聚，我悉供養諸如來。  
T10n0293\_p0847a14(00) 我以廣大勝解心，深信一切三世佛，  
T10n0293\_p0847a15(00) 悉以普賢行願力，普遍供養諸如來。  
T10n0293\_p0847a16(00) 我昔所造諸惡業，皆由無始貪恚痴，  
T10n0293\_p0847a17(00) 從身語意之所生，一切我今皆懺悔。  
T10n0293\_p0847a18(00) 十方一切諸眾生，二乘有學及無學，  
T10n0293\_p0847a19(00) 一切如來與菩薩，所有功德皆隨喜。  
T10n0293\_p0847a20(00) 十方所有世間燈，最初成就菩提者，  
T10n0293\_p0847a21(00) 我今一切皆勸請，轉於無上妙法輪。  
T10n0293\_p0847a22(00) 諸佛若欲示涅槃，我悉至誠而勸請，  
T10n0293\_p0847a23(00) 唯願久住剎塵劫，利樂一切諸眾生。  
T10n0293\_p0847a24(00) 所有禮讚供養福，請佛住世轉法輪，  
T10n0293\_p0847a25(00) 隨喜懺悔諸善根，迴向眾生及佛道。  
T10n0293\_p0847a26(00) 我隨一切如來學，修習普賢圓滿行，  
T10n0293\_p0847a27(00) 供養過去諸如來，及與現在十方佛。  
T10n0293\_p0847a28(00) 未來一切天人師，一切意樂皆圓滿，  
T10n0293\_p0847a29(00) 我願普隨三世學，速得成就大菩提。  
T10n0293\_p0847b01(00) 所有十方一切剎，廣大清淨妙莊嚴，  
T10n0293\_p0847b02(00) 羣會圍遶諸如來，悉在菩提樹王下。  
T10n0293\_p0847b03(00) 十方所有諸眾生，願離憂患常安樂，  
T10n0293\_p0847b04(00) 獲得甚深正法利，滅除煩惱盡無餘。  
T10n0293\_p0847b05(00) 我為菩提修行時，一切趣中成宿命，  
T10n0293\_p0847b06(00) 常得出家修淨戒，無垢無破無穿漏。  
T10n0293\_p0847b07(00) 天龍夜叉鳩槃荼，乃至人與非人等，  
T10n0293\_p0847b08(00) 所有一切眾生語，悉以諸音而說法。  
T10n0293\_p0847b09(00) 勤修清淨波羅蜜，恒不忘失菩提心，  
T10n0293\_p0847b10(00) 滅除障垢無有餘，一切妙行皆成就。  
T10n0293\_p0847b11(00) 於諸惑業及魔境，世間道中得解脫，  
T10n0293\_p0847b12(00) 猶如蓮華不著水，亦如日月不住空。  
T10n0293\_p0847b13(00) 悉除一切惡道苦，等與一切群生樂，  
T10n0293\_p0847b14(00) 如是經於剎塵劫，十方利益恒無盡。  
T10n0293\_p0847b15(00) 我常隨順諸眾生，盡於未來一切劫，  
T10n0293\_p0847b16(00) 恒修普賢廣大行，圓滿無上大菩提。  
T10n0293\_p0847b17(00) 所有與我同行者，於一切處同集會，  
T10n0293\_p0847b18(00) 身口意業皆同等，一切行願同修學。  
T10n0293\_p0847b19(00) 所有益我善知識，為我顯示普賢行，  
T10n0293\_p0847b20(00) 常願與我同集會，於我常生歡喜心。  
T10n0293\_p0847b21(00) 願常面見諸如來，及諸佛子眾圍遶，  
T10n0293\_p0847b22(00) 於彼皆興廣大供，盡未來劫無疲厭。  
T10n0293\_p0847b23(00) 願持諸佛微妙法，光顯一切菩提行，  
T10n0293\_p0847b24(00) 究竟清淨普賢道，盡未來劫常修習。  
T10n0293\_p0847b25(00) 我於一切諸有中，所修福智恒無盡，

T10n0293\_p0847b26(00) 定慧方便及解脫，獲諸無盡功德藏。  
T10n0293\_p0847b27(00) 一塵中有塵數剎，一一剎有難思佛，  
T10n0293\_p0847b28(00) 一一佛處眾會中，我見恒演菩提行。  
T10n0293\_p0847b29(00) 普盡十方諸剎海，一一毛端三世海，  
T10n0293\_p0847c01(00) 佛海及與國土海，我遍修行經劫海。  
T10n0293\_p0847c02(00) 一切如來語清淨，一言具眾音聲海，  
T10n0293\_p0847c03(00) 隨諸眾生意樂音，一一流佛辯才海。  
T10n0293\_p0847c04(00) 三世一切諸如來，於彼無盡語言海，  
T10n0293\_p0847c05(00) 恒轉理趣妙法輪，我深智力普能入。  
T10n0293\_p0847c06(00) 我能深入於未來，盡一切劫為一念，  
T10n0293\_p0847c07(00) 三世所有一切劫，為一念際我皆入。  
T10n0293\_p0847c08(00) 我於一念見三世，所有一切人師子，  
T10n0293\_p0847c09(00) 亦常入佛境界中，如幻解脫及威力。  
T10n0293\_p0847c10(00) 於一毛端極微中，出現三世莊嚴剎，  
T10n0293\_p0847c11(00) 十方塵剎諸毛端，我皆深入而嚴淨。  
T10n0293\_p0847c12(00) 所有未來照世燈，成道轉法悟群有，  
T10n0293\_p0847c13(00) 究竟佛事示涅槃，我皆往詣而親近。  
T10n0293\_p0847c14(00) 速疾周遍神通力，普門遍入大乘力，  
T10n0293\_p0847c15(00) 智行普修功德力，威神普覆大慈力，  
T10n0293\_p0847c16(00) 遍淨莊嚴勝福力，無著無依智慧力，  
T10n0293\_p0847c17(00) 定慧方便諸威力，普能積集菩提力，  
T10n0293\_p0847c18(00) 清淨一切善業力，摧滅一切煩惱力，  
T10n0293\_p0847c19(00) 降伏一切諸魔力，圓滿普賢諸行力。  
T10n0293\_p0847c20(00) 普能嚴淨諸剎海，解脫一切眾生海，  
T10n0293\_p0847c21(00) 善能分別諸法海，能甚深入智慧海，  
T10n0293\_p0847c22(00) 普能清淨諸行海，圓滿一切諸願海，  
T10n0293\_p0847c23(00) 親近供養諸佛海，修行無倦經劫海。  
T10n0293\_p0847c24(00) 三世一切諸如來，最勝菩提諸行願，  
T10n0293\_p0847c25(00) 我皆供養圓滿修，以普賢行悟菩提。  
T10n0293\_p0847c26(00) 一切如來有長子，彼名號曰普賢尊，  
T10n0293\_p0847c27(00) 我今迴向諸善根，願諸智行悉同彼。  
T10n0293\_p0847c28(00) 願身口意恒清淨，諸行剎土亦復然，  
T10n0293\_p0847c29(00) 如是智慧號普賢，願我與彼皆同等。  
T10n0293\_p0848a01(00) 我為遍淨普賢行，文殊師利諸大願，  
T10n0293\_p0848a02(00) 滿彼事業盡無餘，未來際劫恒無倦。  
T10n0293\_p0848a03(00) 我所修行無有量，獲得無量諸功德，  
T10n0293\_p0848a04(00) 安住無量諸行中，了達一切神通力。  
T10n0293\_p0848a05(00) 文殊師利勇猛智，普賢慧行亦復然，  
T10n0293\_p0848a06(00) 我今迴向諸善根，隨彼一切常修學。  
T10n0293\_p0848a07(00) 三世諸佛所稱歎，如是最勝諸大願，  
T10n0293\_p0848a08(00) 我今迴向諸善根，為得普賢殊勝行。  
T10n0293\_p0848a09(00) 願我臨欲命終時，盡除一切諸障礙，  
T10n0293\_p0848a10(00) 面見彼佛阿彌陀，即得往生安樂刹。  
T10n0293\_p0848a11(00) 我既往生彼國已，現前成就此大願，  
T10n0293\_p0848a12(00) 一切圓滿盡無餘，利樂一切眾生界。  
T10n0293\_p0848a13(00) 彼佛眾會咸清淨，我時於勝蓮華生，  
T10n0293\_p0848a14(00) 親睹如來無量光，現前授我菩提記。  
T10n0293\_p0848a15(00) 蒙彼如來授記已，化身無數百俱胝，  
T10n0293\_p0848a16(00) 智力廣大遍十方，普利一切眾生界。  
T10n0293\_p0848a17(00) 乃至虛空世界盡，眾生及業煩惱盡，  
T10n0293\_p0848a18(00) 如是一切無盡時，我願究竟恒無盡。  
T10n0293\_p0848a19(00) 十方所有無邊剎，莊嚴眾寶供如來，  
T10n0293\_p0848a20(00) 最勝安樂施天人，經一切剎微塵劫。  
T10n0293\_p0848a21(00) 若人於此勝願王，一經於耳能生信，  
T10n0293\_p0848a22(00) 求勝菩提心渴仰，獲勝功德過於彼。

T10n0293\_p0848a23(00) 即常遠離惡知識，永離一切諸惡道，  
T10n0293\_p0848a24(00) 速見如來無量光，具此普賢最勝願。  
T10n0293\_p0848a25(00) 此人善得勝壽命，此人善來人中生，  
T10n0293\_p0848a26(00) 此人不久當成就，如彼普賢菩薩行。  
T10n0293\_p0848a27(00) 往昔由無智慧力，所造極惡五無間，  
T10n0293\_p0848a28(00) 誦此普賢大願王，一念速疾皆銷滅。  
T10n0293\_p0848a29(00) 族姓種類及容色，相好智慧咸圓滿，  
T10n0293\_p0848b01(00) 諸魔外道不能摧，堪為三界所應供。  
T10n0293\_p0848b02(00) 速詣菩提大樹王，坐已降伏諸魔眾，  
T10n0293\_p0848b03(00) 成等正覺轉法輪，普利一切諸含識。  
T10n0293\_p0848b04(00) 若人於此普賢願，讀誦受持及演說，  
T10n0293\_p0848b05(00) 果報唯佛能證知，決定獲勝菩提道。  
T10n0293\_p0848b06(00) 若人誦此普賢願，我說少分之善根，  
T10n0293\_p0848b07(00) 一念一切悉皆圓，成就眾生清淨願。  
T10n0293\_p0848b08(00) 我此普賢殊勝行，無邊勝福皆迴向，  
T10n0293\_p0848b09(00) 普願沈溺諸眾生，速往無量光佛刹。」  
T10n0293\_p0848b10(00) 爾時，普賢菩薩摩訶薩於如來前，  
T10n0293\_p0848b11(04) 說此普賢廣大願王清淨偈已，善財童子踊躍無量，  
T10n0293\_p0848b12(01) 一切菩薩皆大歡喜。如來讚言：「善哉！善哉！」  
T10n0293\_p0848b13(00) 爾時，  
T10n0293\_p0848b14(15) 世尊與諸聖者菩薩摩訶薩演說如是不可思議解脫境界勝法門時，  
T10n0293\_p0848b15(05) 文殊師利菩薩而為上首；諸大菩薩及所成熟六千比丘，  
T10n0293\_p0848b16(00) 獄勒菩薩而為上首；賢劫一切諸大菩薩，  
T10n0293\_p0848b17(01) 無垢普賢菩薩而為上首；  
T10n0293\_p0848b18(08) 一生補處住灌頂位諸大菩薩，  
T10n0293\_p0848b19(13) 及餘十方種種世界普來集會一切剎海極微塵數諸菩薩摩訶薩眾，  
T10n0293\_p0848b20(03) 大智舍利弗、摩訶目犍連等而為上首；  
T10n0293\_p0848b21(05) 諸大聲聞並諸人天一切世主、天、龍、夜叉、乾闥婆、阿脩羅、  
T10n0293\_p0848b22(00) 迦樓羅、緊那羅、摩[目\*侯]羅伽、人、  
T10n0293\_p0848b23(06) 非人等一切大眾，聞佛所說，皆大歡喜，信受奉行。  
T10n0293\_p0848b24(00) 大方廣佛華嚴經卷第四十  
T10n0293\_p0848b25(00)

[CBETA 全文](#)

---